

黔南叢書

第二集第九冊

黔記卷三

黔南叢書第 集

山陽李宗昉芝齡

猓羅本廬鹿在大定府屬有黑白二種黑者爲大姓其人深目長身黑面深鼻薙髻留髻其俗尙鬼又名黑鬼造堅甲利刃鏢鎗勁弩蓄良馬好射習擊刺其兵爲諸蠻魁

羅鬼女官卽猓羅正妻稱曰耐德編髮爲髻用青帕蒙之多以銀絲花貼額耳垂大環拖長裙三十六幅子年幼不能主事卽耐德爲女官代理所部

白獐羅在大定安順二屬

宋家苗在貴陽安順二屬男耕女織今多讀書入泮者
蔡家苗在貴筑修文清鎮威甯平遠等州縣俗翁媳不
通言居喪三日不食稻肉惟餽稗粥夫死以婦殉葬婦
家奪去乃免

卡尤狝家在貴陽安順興義平越都勻等府穿青布短
衣婦女以花帕蒙首衣短而下圓嚴寒盛暑衣無添換
長裙細摺勾雲合角中以顏色相間以六月六日爲大
節每歲孟春聚會未婚男女於野外跳月歌舞彩帶結

毬拋而接之謂之花毬意既洽彼此互擲遂私焉凡祭祀貧者用牛一富者數牛親戚族友各攜雞酒致祭遶牛而哭祭畢屠牛分肉食畢而散

菠籠狝家一作普籠又作補籠在貴陽定番廣順二州安順興義二府以十二月朔爲大節相傳武侯南征時所遺銅鼓若掘地得之擊以爲歡富者常以重價爭購喪則屠牛招戚友以牛角歡飲孝子不食肉惟啖魚蝦故祭亦必用之葬者以繖蓋墓期年後始焚之其性慄悍出入必帶利刃倘有睚眦之仇必報近今禁戒漸循

禮法矣

青狝家在古州清江丹江等處以青布蒙首穿青衣女子色白而敏工織繡善奕棋以擲毬爲樂所私者曰馬郎夜則與之飲父母知而不禁惟避其兄弟婚姻苟合愛者以牛酒致聘不知正朔文字以木刻爲信田山蘊黔書但載狝家未分卡尤波籠青三種也

曾竹

黔書作會竹

龍家

黔書云龍家有四在康佐會竹者爲狗耳

在安順府屬男女穿白

衣繫桶裙載細布方巾以髦札一尾名曰髮尾用豬油塗之遇親戚喜慶則負酒牽羊并隨帶新衣數襲以誇

其富死則殮煨骨而葬每七月七日祭奠先塋

狗耳龍家在安順大定二府及廣順州之康佐司有之
男子以布蒙首婦人辮髮以布束結於頂餘布傍結兩
指如狗耳狀黔書云男女旋躍而擇對奔則女氏之黨
以牛馬贖之者今亦知通媒致聘矣

馬蹬龍家

黔書云一日
大頭龍家

在鎮寧之谷西堡頂營司之間以

耕種爲業

大頭龍家鎮甯普定有之男子戴竹笠婦人衣土色衣
繫青短裙斂馬鬣於髮髻如蓋男女勤耕力作

花苗在貴陽大定安順遵義屬皆無姓氏其性慙而畏法其俗陋而力勤衣用敗布緝條織成青白相間無領袖黔書載其跳月事最詳今亦知用媒妁惟婚娶必男至女家成親越宿而歸仍舊俗云

紅苗在銅仁府屬

白苗在龍里貴定黔西等屬衣白衣男子蓬頭赤足婦女盤髻長簪祀祖之先必擇一肥壯牯牛頭角正者飼之乃聚闔寨之牛鬪於野勝則吉卽卜祭期屠之主祭者白衣青套細摺長裙祭畢合親族歌飲爲歡

青苗在黔西鎮甯及修文貴筑等處黔書稱其强悍好鬪今則馴良在平越者又名箐苗

黑苗在都勻八寨丹江鎮遠黎平清江古州等處族類甚衆習俗各殊衣皆尙黑男女俱跣足陟岡巒披荆棘其捷如猿性悍好鬪頭插白翎出入必攜鏢鎗藥弩環

刀自雍正十三年勦後凶性已斂孟春各寨擇地爲塲跳月不拘老幼以竹爲笙人死則生前所私者以色線繫竹竿插於墳前男女拜祭

翦髮犵狁在貴定施秉黃平等屬

東苗在貴筑修文龍里清鎮及廣順各屬有族無姓婦人衣花衣無袖惟兩幅遮前後穿細摺短裙男子蓄頂髮短衣背褶中秋合寨迎鬼師以祭祖及族屬故者屠牛陳饌以次呼鬼名祭畢集親族暢飲竟夜每春獵於山所獲禽鳥必薦其祖先守法畏官循禮服役

西苗有馬謝何羅雷等姓在貴陽平越二府新娶必別寢私通孕產後乃同室秋收時卽合衆牛於野延善歌祝者披大寬氎衣腰間周圍細摺戴氎帽著皮鞞尊者在前童男女著青衣彩帶百人歌舞吹笙隨之歷三晝

夜屠牛以賽豐年名曰祭白虎性情樸實畏法不訟

天苗在平越多姬姓性情柔順婦人工織善染以仲冬

朔日爲節其在陳蒙爛土埧者俗詳黔書按平越草志

云天苗周之後裔

志作以冬至
日爲年節

獯苗在貞豐羅斛册亨等處原隸廣西雍正五年改轄

黔省勤耕力作薙髮服飾俱如漢人惟婦人蒙髮短衣

長裙仍苗裝也

打牙斃猪在黔西平遠清鎮等屬髮梳前披取齊眉之

意

豬屎狍猪在石阡黎平古州平遠清平各屬極臭穢出入佩刀弩有讐必報若獨力不能行則備牛酒以款有力者鬪死則納牛償之

紅狍猪在廣順平遠清平等處

花狍猪又名狍兜苗在施秉龍泉及黃平等處男子懶耕作好獵逐鹿羅雀爲事婦女兩袖繡五彩周身飾以蠶繭綵綵如貫珠

水狍猪亦名狍兜苗在施秉餘慶等屬善捕魚隆冬猶入深淵不畏冷男子衣服同漢人婦人細摺長裙婚姻

喪祭俱循漢禮知法畏官

鍋圈狔狔在平遠州男子自織斜紋布爲衣婦人青帕
籠髮名爲鍋圈衣青衣短裙男子有病不服藥用虎骨
一具上纏五色絲線置簸箕內延鬼師禱之性好酒惰
於農事

土人各處有之性好鬪今亦漸淳

披袍狔狔在黃平州男女衣外披一袍前短後長鑿竅
爲桶裙羊毛織成性純謹勤耕作多傭鐵工者又或以
種梨爲生

猓苗有王黎金文等姓散居各府縣冬則掘地爲鑪
臥牛羊皮席無衾褥遇時節以草扎龍船上插五色紙
旗於郊外歌舞祭鬼爲歡在清平都勻者衣服與漢人
同親死用長子居喪七七之內不沐浴不踰戶如長子
貧或以長孫次子代之遵師教多有入泮者

猓苗在荔波縣男子善耕作婦人工紡織短衣短裙
僅以遮膝親死不棺反歌唱鑲木板殮而停之及葬子
女哭必出血守墳三日而還

彝人在普安廳各營司性淳佞佛凡猓獠狝家等苗言

語不相諳者常賴焚人通之

蠻人在新添丹江二處男子披草簑婦人青衣花布短裙喪葬殺牛歌舞性獷悍愛漁獵以十月晦日爲大節

祭鬼

黔書作
朔日

在思南府之沿河司者俗亦同

洞人皆在下游而洪州尤衆姓多猜忌夫婦出入必偶冬採蘆花禦寒

獠人黔舊無之雍正時自廣西遷來清平貴定獨山等處居無定址喜傍溪澗以樹皮爲連筒灌水至家懶於汲也耕作之暇入山採藥沿寨行醫所祀之神名曰槃

發所藏之書名曰旁輒圓印篆文義不可解且珍秘之
風俗謹厚見遺不拾

楊保苗在遵義龍里二屬性多狡獪抗官司差拘而遵
鄉老約束

狎獷苗在都勻黎平石阡及施秉龍里餘慶龍泉等處
有張楊石歐等姓

九股苗在興隆凱里黑苗類也此種武侯征滅之僅留
九人故名地廣族繁散處蔓延性多悍頭戴鐵盔前有
護面後無遮肩身披鐵甲及臍下鐵鍊圍身鐵皮纏腿

左手持木牌右手持鐵鏢口銜利刃行走如飛三人共
弩名曰偏架自雍正十年撫剿搜繳甲兵建城安汛至
今風稍戢矣

八番苗在定番州其俗勤男日出而耕女日入而織穫
稻則剡木臨流作白水自推而舂之以十月晦日爲大

節

黔書作十月
望日爲歲首

親死夜靜出葬曰不使吾親知之

紫薑苗在黃平清平丹江等處與獨山州之九名九姓
苗同類輕生好鬪遇讐者輒生啖其肉有在平越州者
多出入行伍大力善戰及讀書應試見之多不識爲苗

者

谷蘭苗在定番州屬男耕女織所織布最精細諺云欲作汗衫褲須得谷蘭布婚姻用媒妁

陽洞羅漢苗在黎平府屬男子耕作貿易女人鬢髮散綰插木梳於額上富者以金銀作連環耳墜長裙短褲或有裙無褲好潔身常洗髮沃苗類之最近人情者

克孟牯羊苗在廣順州之金筑司耕作不用牛用鐵鑄代犁耨而不芸男女躡笙而偶生子免懷後始歸財禮親死不哭反笑舞浩歌謂之鬧屍次年聞杜鵑聲則舉